



AD

1863 '14

ORATIONES VI  
IN SCHOLA THOMANA

D. XXII APRIL. A. C. MDCCCLXIII

HORA IX MATUTINA

AVDIENDAS

PATRONOS ET FAVTORES

INVITAT

ET

RITVVM ANTIQVORVM

INVESTIGATOREM NON ESSE

EX LEGEM

DEMONSTRAT

M. IO. FRIDERICVS LEISNERVS

RECTOR

---

LIPSIÆ

EX OFFICINA BREITKOPFIA

103



ui de ritibus gentium cerimoniisque, vel ab antiquitate vel hac recenti aetate institutis, exponunt, haud dubie partem historiae, eamque perutilem, et ad ingenium hominum moresque cognoscendos non parum accommodatam, persequuntur. Neque enim ambigere licet, placuerintne sibi olim Dardanenses in corporis munditie, an in fordibus et illuie, si quis relatum legit, iis, quoad viuerent, ter duntaxat squalorem sordesque corporis lauando deterfas fuisse, quum in lucem editi essent, quum nuptias facturi essent, et quum mortem obiiissent.

Et si vero veterum rituum descriptio tam plana est prima specie, tanque expedita, vt omnis eorum opera laborque parui faciendus videatur, qui se ad explicandos eos conferunt, quum nihil videatur esse facilius, quam ea pertractare, quae quotidiana prope consuetudine hominum vsu veniunt, quaeque in factis et moribus totius vitae versantur; tamen, etsi nolum nodum in scirpo quaerere, difficultatesque in re facili comminisci, non dubitarim contendere, etiam his et circumspeditionem et accuratam quandam diligentiam adhibendam esse, qui in ritibus

bus antiquis explicandis sibi ab errore cauere velint, et tanquam in via plana inoffenso pede ambulare.

Norunt omnes, esse historicis quasdam leges positas, quas egredi nemini, quas negligere nusquam, liceat, cuius generis non modo sunt illae: *ne quid falsi dicere audeas: ne quid veri dicere non audeas*: sed et aliae, quae ex istis fere ducuntur, veluti: *caueat historicus, ne suum de rebus factis iudicium cum factis ipsis confundat: curet idem, ut suis quaeque locis, personis, temporibus adsignet: provideat denique, ne obuia nimis, ne vulgaria, et quae per se intelligi possint, quaeque scire non multum interest, iusto liberalius adponat.*

Iam extra controuersiam positum est, his iisdem legibus alligari etiam omnes, qui ad explicandos antiquos ritus accedunt. Quis neget, quemadmodum bona fide agendum est historico, ita rituum enarratori videndum esse, ne falsis et commentitiis ritibus moribusque, vel antiquitati vel huic recenti aetati affingendis, lectores decipiat. A qua lege, non desunt, qui deslectant, siue male coniectando et errore, siue mentiendi libidine, a vero abducti, siue credulitate, siue studio partim incredibilium, partim ridiculorum, relatu commendationem sibi parandi. Per errorem prope ridiculum fingere ritum videtur, ac meretricibus matronisque tribuere, vetus interpret Iuuenalis ad Sat. VI, 120, vbi poeta Messalinam scribit Iupanar intrasse

- - nigrum flauo crinem abscondente galero.

Ad quem locum quid interpret? Primum galerum interpretatur *crinem suppositum, rotundum muliebri capitis tegumentum in modum galeae factum, quo uterentur meretrices*. Mox rationem redditurus, cur flauus galerus fuerit, addit, *nigro crine matronas vsas*. Delirasse hic grammaticus iste existimandus esset, si omnes matronas crine nigro, et contra meretrices flauo, fuisse sensisset. Omnis ritus ea vis est, ut ab actionibus numanis abesse quidem possit, moribus tamen receptus sit. Sed quis hoc moribus posse recipi somniauerit, ut, quae futurae meretrices sunt, flauo crine nascantur? Itaque Octavius Ferrarius de re vest. P. II L. I c. 20 p. 42, *Quod vero, inquit, vetus Scholiastes adiicit, ideo flauum sumtum, quia nigro crine matro-*



*nae utebantur, Grammatici deliramentum est. Quis enim credat, matronas omnes nigro, meretrices flavo, crine fuisse?* Sed bona verba quaeso! Si enim mihi, quid sentiam, dicere licet, excusate ista et citra vllam delirationem grammaticus scribit. Non enim verba facit de crine naturali, sed de adscititio, hoc est, de flavo galero, qui vtiq̃ meretricum moribus aequae, ac vestes versicolores apud Athenienses, recipi potuit. Neque difficile est, coniectura assequi, quonam vitio abreptus P. Daniel Huetius vanissime tradiderit, quo ritu consuerit Consul Hardenbergae, quod oppidum est Transisalaniae, creari. Lubet ritum verbis auctoris ex itinere Suecico adscribere:

Mox Hardenbergam sera sub nocte venimus:  
 Ridetur nobis veteri mos ductus ab aevo.  
 Quippe vbi deligitur revoluto tempore consul,  
 Barbati circa mensam statuuntur acernam,  
 Hispidaque imponunt attenti menta Quirites:  
 Porrigitur series barbarum desuper ingens.  
 Bestia, pes mordax, sueta inter crescere sordes,  
 Ponitur in medio: tum enius numine Diuum  
 Barbam adiit, festo huic gratantur murmure patres,  
 Atque celebratur subiecta per oppida consul.

Quum sint non spernendi auctores, qui hunc morem in isto oppido vel vigere vel vguisse vnquam negent; recte Huetium vel vano rumore ductum, vel animi causa, ista lusisse dixeris. Nec falleris iudicio, si huic narratiunculae geminam putabis illam, quae iactatur de sella Romae perforata, passimque circumfertur.

Sed ritus commentitios, si non ex toto, tamen ex parte, parit etiam consuetudo praua nostrum de rebus factis iudicium pro ipsis factis habendi. Aegyptiorum sacerdotibus interdictum quorundam leguminum esu fuisse, satis constat, auctorumque idoneorum testimoniis comprobari potest. Sed quis aequae idoneorum probauerit illud, Aegyptios talia legumina pro numinibus coluisse, tetenderitue, causam Iuuenali fuisse, cur exclamaret XV, 10:

O sanctas gentes, quibus haec nascuntur in hortis  
 Numina!

Quod



Quod Aegyptiis, idem propemodum Iudaeis, accidit, quibus quum abstinendum esset esu porci, tanquam foedi animalis et immundi, praecipitato de hac abstinencia iudicio coeperunt nonnulli religiosum porcorum cultum Iudaeorum genti exprobare. Quo locus e Petronii fragmentis pertinet:

Iudaeus licet et porcinum Numen adoret,  
Et cilli summas inuocet auriculas.

In cuius erroris societatem venire et Christiani credebantur, non quod et ipsi abstinendum sibi a carne suilla credebant, sed quia, quae erat supina scriptorum gentilium negligentia, a Iudaeis non satis discernebantur. Non dissimulare hoc loco possum, quam iniuriam praeue iudicando et Iudaeis et Christianis intulerant gentiles, eandem vicissim Christianorum nonnullos scriptores intulisse gentilibus, et ita retulisse par pari. Quid enim est, quod Lactantius I, 20 Floram scortum fuisse dicat, in deas relatum, inque eius honorem, quod magnas opes ex arte meretricia quaesitas reliquisset populo romano, Floralia quotannis celebrata existimet? Potest evidentibus Varronis de L. L. IV p. 20 testimoniis doceri, Floram fuisse Sabinorum deam, et a Tatio rege cum aliis numinibus ad Romanos translatam. Nec queo mihi temperare, quin eiusdem siue malignitatis siue ignorantiae accusem Tertullianum, Minucium Felicem, Lactantium eundem, quando de Cluacina Venere loquuntur, tanquam dea latrinis praefecta, eiusque simulacro in cloaca reperto. Lactantius, *Cloacinae*, inquit, *simulacrum in cloaca maxima repertum Tattius consecrauit, et quia, cuius esset effigies, ignorabat, ex loco illi nomen imposuit.* Satis apparet, Lactantium loqui de Tatio Sabinorum rege, collega aliquamdiu Romuli. Quaerere hic ex Lactantii defensoribus, si qui sunt, lubet, quae hoc tempore fuerit cloaca maxima, quod operum omnium maximum, ut Plinius vocat, centum demum annis et amplius post Tatum structum a Tarquinio Prisco constat? Sed quae tandem est, inquis, Venus ista, seu Cluacina seu Cloacina? Audiendum esse Plinium viri docti monent, qui XV, 29 ita: *Myrtus fuit, ubi nunc Roma est, iam tum, quum conderetur: quippe ita traditur, myrtea verbera Romanos Sabinosque, quum propter raptas virgines dimicare voluissent, depositis*



*armis purgator in eo loco, qui nunc signa Veneris Cluacinae habet. Cluere enim antiqui purgare dicebant.* Secundum Plinium igitur Cluacina non a cloaca nomen habet, sed est quasi purgatrix et expiatrix.

Nihil ambigo, sitne hic potius error, quam alius, qui eorum infidet animis, qui et fuisse gentes et nunc esse sibi persuadent, ita immanitate, ut loquitur Cotta apud Cic. de N. D. I, 23 efferatas, ut apud eos nulla suspicio deorum sit. Mihi videntur ii, qui ad gentes commeant et moribus et sermone dissolvas, ubi nullos sacrorum ritus ibi animaduertunt similes iis, qui auribus eorum oculisque familiares sunt, quibusque adfueti sunt, facile eo delabi, ut sibi gentes fingant, in quarum animis nulla cognitio insit diuinitatis. Nam sicut saepe facile est, dicere, quid quis fecerit, et quomodo: non aequè facile, quid non fecerit, aut quomodo; ita mihi maior religio est, maiorque, ne in errorem inducar, metus, si quem audio, qui se ad populum delatum testetur, Dei sacrorumque rituum et ceremoniarum prorsus ignarum, quam si quis, quoniam dii ab aliqua gente et quomodo colantur, narret. Cui religioni eo magis mihi seruiendum putabo, quia noui, ipsum Apostolum diuino spiritu actum affirmare, τὸ γνωστὸν τῷ Θεῷ φανερὸν εἶναι τοῖς ἄνθρωποις. Si itaque ipse ad populum venirem templis carentem, qui nec precum formulis, nec iureiurando, nec sacrificiis vteretur, nec ullas ceremonias, nec ritus sacrorum ullos mihi cognitos obiret, mihi diu cum eo versandum putarem, veniendum in eius intimam familiaritatem, omnia circumspicienda, excutienda omnia, scrutanda eius arcana et occulta, penetrandum ad sensus hominum opinionemque, prope irrependum in latebras recessusque animorum, ante quam talem populum vel in suspicionem ἀθεόφοβος vocarem. Colunt enim deos alii aliis modis: nonnulli sacra sua vulgant: nonnulli occultant, et saepe tantum habent mysteriorum, ut ad ea ne initiati quidem, immo ut ne mystae quidem omnes, admittantur. Qui hic auctoritatibus aduersus nos pugnant, tanquam Baelii et aliorum, qui itineraria consarcinarunt, his auctoritates grauissimorum auctorum opponere licebit, Maturini Veisserii la Crose, et aliorum, quorum magnum

gnum numerum producit Fabricius Bibliogr. antiquar. VIII, 3, quibus addi poterit Elias Benoit in praefatione obseruationum ad Io. Tolandi Origines Iudaicas, gallice scriptarum.

Antequam hunc locum relinquam, commemorandus mihi Aristoteles est, qui veterum Thracum tantum fuisse tradit stuporem, vt in numerando vltra quaternarium non potuerint progredi. Agedum, summe Aristoteles, quid quaeso hic in facto positum est? Profecto nihil nisi hoc vnum, veteres Thracas eam numerandi rationem sequutos esse, quae vltra quaternarium non procedit. Sed num illud aequè in facto positum est, a stupore Thracum hunc numerandi morem esse repetendum? Minime: hoc tuum de isto factum iudicium est. Videndum vero, an rectum. Videre mihi videor, cur te ratio fugerit. Numerandi rationem, quae ad denarium progreditur, esse credidisti necessariam, eamque ab natura ipsa potius, quam ab humano consilio, deriuandam. Si tua vita in haec tempora incidisset, si Weigelius, si Leibnitius, si nonnulli alii tibi innotuissent, qui planum fecerunt, posse eum etiam perfectum esse arithmeticum, qui quinque, qui duo, numerare nesciat, profecto, quin istam sententiam ferres, tibi temperasses. Interim si solatium est, socios habere errorum, solatio tibi esse multi poterunt, qui prope ad eundem lapidem impingunt, quique stupidos Abderitas putant, quaesitique, cur putent, hoc adferunt, plurimos eorum aliquando in febrim incidisse, coniunctam cum tanto delirio, vt versus funderent, carmina poetarum recitarent, in triuivisque et compitis passim discurrentes histrioniam facerent. Eho obsecro, quid ita ratiocinantur? Caditne deliratio in stupidos solos? vel potius, cadetne vnquam deliratio tam elegans, pene dixerim, tam amabilis omnino in stupidos? An dica ergo Vossio scribenda, qui ad Melam p. 442 talia a deliris potius, quam de deliris, dici existimat? Sed quid his diutius immoror? Veniamus ad eos, qui in ritibus exponendis nimis vulgaria, nimis minuta, nec ritus ei genti, de qua exponunt, proprios, sed prope omnibus gentibus communes, nec veteri tantum aetate, sed omni, receptos, ac fere necessario vbique et sem-



semper obseruandos, consecretantur. Non audiendos quidem puto nonnullos, quorum sunt non in humaniorum modo literarum, sed in philosophiae etiam, aliarumque disciplinarum minutias plurima et aculeata dictoria, quippe qui pro sua leuitate non satis reputant, minuta esse apta et copulata magnis, rerumque minimarum obseruationem ingentibus saepe commodis locum fecisse. Quid prima specie leuius est, quam nosse, sepelierintne Athenienses olim mortuos ita, vt ad occasum, an vero ita, vt ad orientem spectarent sepulti? Sed operae pretium erit, ex Aeliano VII, 19 discere, quantum tam paruae rei cognitio profuerit Soloni, quum demonstrare et vincere vellet argumentis, Salamina insulam non Megarensium esse, sed Atheniensium. Cuius notae homines ferre nolunt, verbi causa, eos, qui de calceis veterum scribunt, iisque indignantur non secus, ac si Camarinam mouerent. Quorum quod quaeso in calceis fastidium est, nullum quum sit in armillis, in inauribus, in torquibus veterum? et quorum censura dat veniam fibulis, lucernis, lecticis, quid vexat calceos? Scilicet quorum auribus honos praefandus est, quoties quaeris, quo pretio veneat par calceorum, horum ocelli vulnerantur, quum obicitur illis libellus, qui de calceis inscribitur. Cuiusmodi libellorum auctores, dici vix potest, quot locis obscuris veterum librorum lucem adferant. Hos ergo aut plane de manibus iuuentutis excutiendos dicemus, aut ita legendos, vt ne intelligantur quidem, aut iis gratiam habendam, qui etiam haec antiquitatis instituta explicanda sibi sumserunt. Quamquam igitur non sumus ita delicati, vt fastidium nobis pariant, qui de veterum calceis exponunt, facileque a nobis impeframus, vt attentionis aliquid conuertamus non modo in aurea deorum sandalia, in Dianae endromidas, lunataeque pelles senatorum, et sacerdotum phaecasia, sed etiam in militum caligas, soccos comoedorum, cothurnos tragoedorum, ipsasque peribaridas ancillarum, et perones rusticorum; nollemus tamen, esse aliquos tam putidos, vt se nobis putent ritus veterum reconditos, folique antiquitati proprios, in lucem proferre, quum obseruant, piscatores apud veteres in

scō-

scopulis insidiatos esse piscibus, pastores secum in pascuis  
ducere canes consueuisse, ingentemque testium manum eo-  
gant, qui haec ita fuisse confirmant, non sane multum illis  
dissimiles, qui obseruauerint, morem fuisse veterum, inten-  
dentibus se tenebris candelas accendere. Hoc est illud vi-  
tium, quod in praestantissimo alioquin viro, Barnaba Brisso-  
nio, reprehendit Iustus Ios. Scaliger in epistola IX, quae est  
ad Seguinum: *rem vulgatissimam testimoniis, inquit, velle probare,*  
*hoc vero est, quod Graeci dicunt, μύρον ἐνὶ φανί.* Mira nos docet Bris-  
sonius, Persas regibus paruisse: reges vero ipsos castra diligentissime fos-  
sa et vallo munivisse: stipatores, satellites, officia palatina habuisse. *Si*  
*iste solis regibus Persarum mos fuit, laudo diligentiam scriptoris. Sin*  
*res est vulgatissima, et omnium regum, quid est tot testes citare, quam cen-*  
*tones sarcire?* Sed quod difficile est in omnibus fere, seruare  
modum, id multo est difficillimum his, qui sibi aliquid argu-  
menti ad scribendum fumunt. Itaque qui, vt hoc vtar, stra-  
tegemata exposuerunt, facta quaedam in illis posuere, quae  
strategemata non sunt, et, qui prouerbia collegerunt, saepe  
ibi prouerbia se inuenisse sibi visi sunt, vbi nulla sunt. Quod  
de his eleganter Muretus V. L. XII, 17 dixit, idem conuenit  
in vetustorum rituum indagatores: vt quibusdam homini-  
bus male adfectis, quicquid edunt, in bilem aut pituitam, ita  
istis, quicquid legunt, in ritus, in mores veterum, opinionem  
que vertitur.

Sunt exposita fere, quae de antiquariorum minutis di-  
cenda videbantur. Nempe igitur restat, vt de illis adiciam,  
qui non suis quaeque personis, locis, temporibus tribuunt,  
de quibus plura dicenda haberem, quam putentur dici posse;  
sed quum ad exitum festinet commentatiuncula, rem paucis  
expediam. Venit hic in mentem primum eorum, qui vel  
graecos ritus romanis, vel vice versa romanos ritus tribuunt  
graecis. Etsi enim a Graecis olim perinulta ad Romanos  
translata sunt, religio, leges, modus loquendi, et ritus prope  
innumerales, ita vt magnam rituum romanorum partem  
norit, qui graecos nouit; nonnulla tamen instituta Graeco-  
rum, nonnulla etiam Romanorum, ita manserunt propria, vt  
ea ab altero populo cum altero nunquam communicata fue-



rint. Pila ludere puellas graecas obseruant viri docti, non vero romanas. Similiter lapideos imbres Nouendiali sacro expiare non nisi Romanis vsitatum fuit.

Sunt, qui tradant, ad compescendam transfugarum perfidiam, notas militum manibus iniustas fuisse apud Graecos, quae stigmata dicuntur. Mihi vero nondum satis certum videtur, hunc ritum graecum fuisse: fuisse romanum facile concedo. Caput quassas, B. L., ringeris, inque ad Aetium Amidenuin, ad Scribonium Largum, Vegetium, multosque alios amandas? Cura non defuit euoluendi hos omnes: necdum tamen mihi dubitatio sublata est. Auctores, qui inspicendi mihi proponuntur, aut de Romanorum stigmatibus militaribus loquuntur, aut de stigmatibus seruorum. At sum iusto difficilior, qui ne Aetium quidem audiam, medicum graecum. Aetii haec sunt VIII, 12: *Στίγματα καλεῖσι τὰ ἐπὶ τῷ προσώπῳ, ἢ ἄλλῃ τινος μέρῳ τῷ σώματος ἐπιγραφόμενα, οἷα τῶν ζῶοντων ἐν ταῖς χερσίν.* Quid igitur? Intelligo, Aetium docere, quid fuerint stigmata, et fuisse militantium manibus inscripta. Fuisse hunc morem veterum Graecorum, non intelligo. Vixit hic Aetius sub Iustiniano, qua tempestate Romani dudum rerum domini facti erant. Ritus cunctos a tali auctore, quamuis graeco, expressos, non magis graecos putem, quam instituta omnia, quae a latinis scriptoribus, veluti Terentio, memorantur, esse latina.

Mediolanum, clarissimam Insubriae urbem, a Frederico Aenobarbo non modo funditus euersam, sed etiam aratris proscissam in agri speciem, neque frugis sed salis semen, ludibrii causa, accepisse, omnibus, qui historiam attigerunt, notum est. Quaerentibus, cuiusnam populi ritu haec imperator fecerit, aliqui respondebunt, vtrumque Romanorum more factum fuisse. Barrii certe haec est sententia. Sed videor habere, quod rectius respondeam. Consuetudinem vrbes euersas aratro proscindendi esse romanam, et Horatius I, od. 16 et Icti ad Pandectas iuris ciuilis docebunt. An eandem consuetudinem recte Propertius tribuerit Graecis, videndum est. At mos areas dirutarum urbium sale conferendi ab Ebraeis videtur ductus esse, id quod probavit

vit Stephanus Morinus in diff. de sale adspersi solito super  
urbium dirutarum ruinas.

Postulat locus, ut de iis dicam, qui non suo quaeque  
tempori adsignant. In imperatorum romanorum cultu  
adhibitum fuisse ignem, dubitare sinunt neminem ea, quae  
Lipsius ad Taciti A. Exc. A. et Eschenbachius in diss. de  
igne, Augustis praelato, adserunt. Quem ritum qui apud  
Horatium Sat. I. 5. 36 tribuunt Ausidio Fundorum praeto-  
ri, hi tribuunt ei aliquid nondum usitatum, et quod for-  
tasse Antoninorum demum aeuo usurpari coepit. Subscri-  
bendum putem doctissimo Gesnero, qui *prunae vasillum* focu-  
lum sacrificandi causa praelatum magistratui opinatur. Da-  
tur tamen non modo poetis haec venia, ut tempora velut  
praecipiant, et aliquid fuisse factumue esse fingant, quum  
nondum factum erat; sed etiam historicis, ut, quum Li-  
uius VII. 10. de hispanico gladio tanquam Romanis fami-  
liari loquitur, qui diu post esse in usu coepit, et de stipen-  
dio; qua tempestate nondum institutum erat. Non sunt  
ergo ei legi, quam posuimus: *suo quaeque tempore adsigna*, nec  
poetae nec historici adstricti? Sunt utique: sed quis tales  
scriptores sine piaculo carpere possit etiam tum, quum de-  
cipere nos videntur? quis tam morosus, ut inuideat illis,  
aut certe illorum defensoribus deuerticula et suffugia infir-  
mitatis, hoc est, salutiferum, illud est *αλεξίμαχον* nomen *προ-  
λήψεος*? Qui vero tam prompti sumus ad gratiam faciendam  
his, quid non sperare a nostra facilitate poterunt, qui ita  
loquuntur, quasi ritus quidem retinerentur, qui dudum in usu  
esse desierunt? Nam locutiones antiquae manent, etiamsi  
res desierunt, et aliae eiusdem usus in earum locum succes-  
serunt. Itaque etiam nunc et pendimus pecuniam, et dici-  
mus ad clepsydram, et album nostrum calculum aliorum  
sententiae adiicimus: et mulieres nubunt viris, et quidam  
nostrum solis digitis diuites sunt: et quum inscriptio in se-  
pulcro ponenda est, etsi non iuxta viam in agris condito,  
alloquimur viatores et admonemus, ut sistant gradum et  
adstent.



Nihil refert, nisi ut hominū eorum aduam, qui dīcēt  
furi e schola nostra oratiunculas recitare constituerunt, et  
demonstrare, maiora esse in opulentia, quam in paupertate, ad vir-  
tutem acquirendam impedimenta. Nomina igitur eorum sunt

IO. CHRISTIAN. GOTTLOB MÜLLERVS, *Lips*

PAVLVS FRIDER. SCHARNOVIUS, *Iuterboc*

CAROL FRIDER. WILHELMVS SCHWEINITIVS  
*Belgern*

IO. MICHAEL MICHAELIS, *Taennstadiens*

CHRISTIAN. GOTTLIEB VIBIGIVS, *Zschopaviens*

IO. CHRISTIAN. LIMBRECHT, *Grimmenfis*

Ad quos beneuole audiendos si li, ad quorum vel tutelam  
vel curam aliquam haec schola pertinet, frequentes con-  
venire vellet, et ipse me illis quam plurimum debere  
existimabo, et sex illi bonae indolis iuvenes maximo se be-  
neficio affectos putabunt.

